

Broj: 01-02-1300/20

Sarajevo, 29.09.2020. godine

## ZAPISNIK

### 13.REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 28.07. i 15.09.2020. godine

Online sjednica je počela u 10.36

Obzirom da je predsjedavajući Mirsad Zaimović imao problema sa uključenjem u sjednicu, sjednici je predsjedavao potpredsjedavajući Predstavničkog doma Parlamenta Federacije BiH Mladen Bošković.

Potpredsjedavajući Bošković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, potpredsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 7. vanredne sjednice i 8. vanredne sjednice usvojeni su bez primjedbi.

#### Zastupnička pitanja

**Damir Mašić** kazao je da nije dobio odgovor na postavljeno pitanje Univerzitetom kliničkom centru u Sarajevu, te traži urgenciju.

Prvo pitanje uputio je Vladi Federacije BiH i Cestama FBiH, koje su navodno bez postupka javnih nabavki dodijelile poslove vrijedne gotovo 28 miliona KM firmama koje rade na redovnom održavanju magistralnih cesta – da li je tačno da su 2018. godine kada su Ceste uz saglasnost Vlade mimo postupka javnih nabavki dodijelile poslove u vrijednosti od gotovo 28 miliona KM kroz određene anekse ugovora sa postojećim izvođačem, te ako je tačno, ko preuzima odgovornost za to, a ukoliko nije tačno, šta će Vlada poduzeti da sankcionira odgovorne u Cestama FBiH?

Drugo pitanje uputio je Vladi FBiH i Autocestama FBiH - da li je tačno da se trenutno čeka Federacija, odnosno Autoceste FBiH da međudržavni most koji se nalazi na Savi kod Svilaja stavi u potpunosti u funkciju, tako što Autoceste treba da izrade 300 metara pristupnog puta na toj dionici. Da li je to tačno, i ako jeste zbog čega to ranije nije urađeno.

Posljednje pitanje uputio je ministru Josipu Martiću - da li je tačno da je ove godine kroz Projekat Federalnog ministarstva prostornog uređenja, vezano za utopljanje zgrada, škola, vrtića, domova zdravlja, radi uštede energije preko 90% sredstava usmjereno u općine u kojima HDZ ima apsolutnu vlast. Ako je to tačno, traži detaljnu informaciju na osnovu kojih kriterija i kako su sredstva raspoređena ovako da idu tamo gdje stranački dužnosnici kontroliraju vlast.

**Dževad Adžem** prvo pitanje – šta je rukovodstvo Predstavničkog doma Parlamenta Federacije BiH uradilo u postupku materijalizacije usvojene inicijative o proglašenju dana 25.maja, danom žalosti u Federaciji BiH. Napomenuo je da je ova inicijativa usvojena 20.04.2016. godine a predložio je tadašnji zastupnik Mešalić.

Dugo pitanje uputio je predsjedavajućem Zaimoviću – šta je poduzeo kako bi se realizirao zaključak Doma a koji se odnosi na hitnu raspodjelu medicinskih sredstava i opreme kantonalnim bolnicama?

**Albin Muslić** pitanje je postavio a vezano za aktuelnu situaciju sa COVID-19 infekcijom a konkretno pitanje odnosi se na diskriminaciju ranijih državljana Bosne i Hercegovine koji su u međuvremenu sekli državljanstvo neke druge države i koji ne mogu ući u Bosnu i Hercegovinu. Čime se vodio Federalni štab civilne zaštite kada je dojučerašnje državljanstvo stavio u drugi rang u odnosu na državljanstvo Bosne i Hercegovine. Zar nije logičnije da se

mjesto rođenja odredi kao dominantni faktor ili neki drugi kriterij nego da se na ovakav način dijele građani.

Traži konkretan odgovor na pitanje, da li će i kada započeti izgradnja brze ceste Lašva – Nević Polje?

**Miomirka Melank** pitanje je uputila Vladi Federacije BiH a vezano za povjesno područje starog grada Stoca koga je 2003. godine Komisija za očuvanje nacionalnih spomenika BiH proglasila Nacionalnim spomenikom BiH. Vlada je dužna osigurati na ovom području pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika. Dužna je osigurati i tehničke uvjete za izradu i sprovođenje programa trajne zaštite ovog spomenika. Također, dužnost joj je bila da spriječi bilo koju intervenciju na zaštićenom području ovog Nacionalnog spomenika gdje su dozvojeni samo istraživački radovi i konzervacija konstruktivne sanacije i restauracija u skladu sa tehničkom dokumentacijom. Kako je moguće da su u prvoj zoni zaštite ove godine postavljene strukture i obilježja koja nisu u skladu sa odlukama Komisije za očuvanje nacionalnih spomenika. Traži od Vlade da preduzme sve korake u sporovđenju Odluke Komisije za očuvanje nacionalnih spomenika onako kao je to napisano u Odluci iz 2003. godine.

**Amer Obradović** nadovezao se na posljednje pitanje zastupnice Melank i kazao da je i on tražio odgovore na ovo, te i dalje traži posebno od Uprave za inspekcijske poslove Federacije BiH.

Pokrenuo je inicijativu prema Vladi Federacije BiH kojom bi se sadržaji web stranica Vlade Federacije BiH i institucija Federacije BiH trebali prilagoditi slijepim i slabovidnim licima.

**Husein Rošić** kazao je da je u januaru postavio pitanje Upravi za indirektno oporezivanje o primjeni Zakona o akcizama, o načinu prikupljanja i o tome koliko je sredstava prikupljeno i kazao je da nije bio zadovoljan odgovorom kojeg je dobio na ovo pitanje.

Pitanje je uputio predsjedavajućem Predstavničkog doma – da li je Zakon o izmjenama i dopunama Zakona o prijevremenom povoljnijem penzionisanju branilaca u parlamentarnoj proceduri?

Drugo pitanje uputio je Federalnoj direkciji cesta – u kojoj fazi je izgradnja treće kolovozne trake na dionici magistralnog puta M5 Bihać - Ripački klanac. Kazao je da je općepoznato da je dionica puta Lanište -Ključ u znatnoj fazi izgradnje i prije nekoliko godina oba projekta su dobila zeleno svjetlo, a još nije započeta izgradnja, te pita zašto se ne kreće u realizaciju ovog projekta?

**Adis Arapović** pitanja je uputio Federalnom ministarstvu pravde – koliki je iznos nenaplaćenih budžetskih prihoda odnosno primitka po osnovu pravosnažnih sudskih odluka o prekršajima, odnosno prekršajnim kaznama za period 2015.-2019., za svaku budžetsku godinu pojedinačno? Kazao je da se radi o desetina miliona KM nenaplaćenih prihoda, te traži precizno pojašnjenje - kako su nastali ovi krupni dugovi? Koja je zakonska anomalija to omogućila i na koji način se problem visoke nenaplativosti može riješiti?

Naredno pitanje uputio je Federalnom ministarstvu zdravstva – da li je i ako nije, zbog čega do danas nije usvojen pravilnik i program specijalizacije iz kliničke psihologije? Kada Ministarstvo planira donijeti ovaj važan dokument?

Ponovo postavlja pitanje – obzirom da je od početka 2020. godine nekoliko zastupnika dobilo mandate u Predstavničkom domu, kada će biti okončan proces njihovog imenovanja u radna tijela Predstavničkog doma? Traži od rukovodstva Doma da precizira koji klubovi ili pojedinci opstruiraju prekompoziciju radnih tijela?

Naredno pitanje uputio je Federalnom ministarstvu rada i socijalne politike – kada će se u parlamentarnoj proceduri naći Zakon o psihološkoj djelatnosti i zbog čega ovaj materijal već duže vrijeme nije u parlamentarnoj proceduri? Da li će Vlada ovaj važan Zakon razmatrati i uputiti Parlamentu?

**Miralem Galijašević** prokomentirao je odgovor na pitanje vezano za Zakon o pripadosti javnih prihoda. Pita Vladu FBiH – kada će sredstva MMF-a namijenjena za suzbijanje posljedica COVID-a 19 biti doznačena kantonima, gradovima i općinama, a ako neće šta je razlog tome?

**Goran Akšamija** pitanje je uputio Federalnom ministarstvu zdravstva - gdje se u Kantonu Sarajevo obavlja praktični dio specijalističkog staža doktora medicine iz sekundarnog nivoa zdravstvene zaštite hirurgijskih disciplina koji je obuhvaćen Planom i Programom specijalizacija Federalnog ministarstva zdravstva. Traži da Federalno ministarstvo zdravstva pod hitno riješi ovaj problem ili vraćenjem dijela djelatnosti u Klinički centar Univerziteta u Sarajevu ili određivanjem Opće bolnice „Prim.dr. Abdulah Nakaš“ za ovaj dio potrebne edukacije za šta postoje zakonske mogućnosti, odnosno da mu se dostavi odgovor na koji način se to sada vrši?

Pokrenuo je inicijativu a vezano za Prijedlog Zakona o izmjenama i dopuna Zakona o zaštiti stanovništva od zaraznih bolesti FBiH.

**Meliha Bijedić** pokrenula je inicijativu prema Vladi Federacije BiH a vezano za sistem kontrole i praćenja utroška namjenskih sredstava predviđenih Zakonom o izdvajanju i usmjeravanju dijela prihoda preduzeća ostvarenih radom termoelektrana. Traži od Vlade i drugih mjerodavnih organa da se uspostavi kontinuirani sistem kontrole i praćenja utroška namjenskih sredstava predviđenih pomenutim Zakonom i da se utvrdi odgovornost za nepoštivanje i ovog Zakona u periodu od njegovog donošenja do danas.

**Jasmina Zubić** komentirala je odgovor na pokrenutu inicijativu koju je uputila prema Federalnom ministarstvu rada i socijalne politike a tiče se primjene člana 31. stav 2. Zakona o posredovanju i zapošljavanju i socijalnoj sigurnosti nezaposlenih osoba. Pitanje upućuje nadležnom federalnom ministarstvu i Federalnom zavodu za zapošljavanje i kantonalnim službama i Federalnom zavodu PIO – zašto se vrijeme provedeno na radu za koje nisu uplaćeni doprinosi uopće tretira penzijskim stažom kada se prema definiciji Zakona o PIO penzijski staž računa za period za koji je zaposlenik proveo na radu i za koji su uplaćeni doprinosi.

Pitanje je upućeno Federalnom ministarstvu pravde – kada će se Zakon o stečaju ponovo naći na dnevnom redu jer na 11. redovnoj sjednici (19.02.2020.) nije dobio podršku.

Pitanje je uputila vezano za Pravilnik o kriterijima i postupku medicinskog vještačenja zdravstvenog stanja, da li je konačno usvojen. Ovo pitanje postavljala je više puta, jer je Institucija ombudsmena utvrdila 2014. godine da je Uputstvo za primjenu liste invaliditeta neustavno i da u primjeni dolazi do diskriminacije osiguranika po osnovu uzroka invalidnosti.

Posljednje pitanje uputila je Federalnom ministarstvu za pitanja boraca i invalida odbrambeno-oslobodilačkog rata, a tiče se kategorije paraplegičara, te pita da li je u pripremi tekst zakona koji im je prije nekoliko godina obećan. Napomenula je da je Predstavnički dom naložio Vladi Federacije BiH 2016. godine da do izrade Rebalansa iznađe sredstva za poboljšanje statusa RVI i da se ovo pitanje riješi.

**Sanela Klarić** kazala je da nije dobila odgovore na pitanja od nekih ministarstva, te je komentirala odgovor kojeg je uputila prema sekretarijatu Parlamenta i predsjedavajućem a tiče se kršenja Poslovnika o radu Odbora za poljoprivredu, vodoprivredu i šumarstvo, te ponavlja pitanje. Nije dobila odgovore na pitanja koja je uputila Federalnom ministarstvu poljoprivrede, vodoprivrede i šumarstva. Također, 25.05. uputila je pitanje ovom Ministarstvu a vezano za proteste građana u Goraždu zbog gradnji riječnih utvrda na rijeci Drini. Osvrnula se i na problem kada se govori o operateru za obnovljive izvore energije i efikasne kogeneracije i kazala je da su na sastanku predstavnici udruženja proizvođača električne energije iz obnovljivih izvora energije objasnili svoje probleme. Kazala je između ostalog, da Vlada nije nikada našla rješenje i da direktor koji stoji iza ove institucije ne obavlja svoj posao, i zbog njegovog neslanja planova i neizvještavanja mjesecima mnogi od proizvođača energije iz obnovljivih izvora nisu dobili uplate na svoje račune. Također, problem je da je

Ured za reviziju 25.05.2019. godine obavijestio Vladu i resorno ministarstvo da nije uspio napraviti reviziju u ovoj instituciji, jer direktor nije dostavio informacije, pa pita – šta je Vlada FBiH i resorno ministarstvo učinilo po ovom pitanju i po pitanju smjene direktora zbog njegove odgovornosti.

**Belma Pojskić** pitanje je uputila Ministarstvu vanjske trgovine i ekonomskih odnosa BiH, Uredu za veterinarstvo – da li je planiranao ponovno pokretanje projekta oralne vakcinacije lisica protiv bjesnila, a u cilju unapređenja zdravlja opće populacije i ako jeste na koji način će biti finansiran?

**Eldar Čomor** pitanje je uputio Sarajevoputevima - koja tijela ovog preduzeća ne funkcionišu i zašto, i koja je vlasnička struktura.

Drugo pitanje odnosi se na Federalno ministarstvo prometa i komunikacija i preduzeće Ceste FBiH - koje regionalne ceste su se gradile i rekonstruirale i uređivale u Federaciji u proteklih pet godina i koliko je sredstava izdvojeno u tu svrhu.

Pokrenuo je inicijativu prema Vladi Federacije BiH i Federalnom ministarstvu okoliša i Fondu za zaštitu okoliša FBiH da se iz sredstava Fonda za zaštitu okoliša izdvoje sredstva za čišćenje i uređenje izletišta na teritoriji Federacije BiH po jednim izletištu od svakoj od općina u Federaciji.

**Tahir Nuhiić** prvo pitanje uputio je Autocestama FBiH, a vezano za izgradnju trase puta, Projekat IPA fondova, koja je vezana za povezivanje Bihaća sa Zapadnom Evropom. Smatra da je to prioritet i zbog interesa susjeda a i privrednika. Da li postoji mogućnost da Autoceste formiraju neku radnu grupu koja bi ponovo aktuelizirala ovaj Projekat.

Naredo pitanje uputio je Ministarstvu vanjskih poslova, ministrici Turković – da li su imali aktivnosti oko povećanja kapaciteta na graničnom prijelazu Velika Kladuša i Izačić sa kolegama iz Republika Hrvatske.

Pokrenuo je inicijativu kojom se zadužuje Vlada FBiH da izvrši izmjene Uredbe o naknadama i troškovima za službena putovanja a vezano za član 5.

**Nedžad Šečić** pitanje je uputio Cestama FBiH i Vladi FBiH – kad se može očekivati početak izgradnje dionice na magistralnom putu M18, odnosno na dionici Šiški Brod – Đurđevik, kako teče dinamika obezbjeđenja ovih sredstava, s obzirom da Vlada FBiH, odnosno Ceste trebaju obezbijediti oko 120 miliona za ovu dionicu.

Kazao je da je inicijativa upućena u aprilu ove godine da se pod hitno pomogne Kantonalnoj bolnici Zenica kao i zdravstvenim ustanovama Zeničko-dobojskog kantona za nabavku neophodne opreme i sredstava za rad, u cilju suzbijanja pandemije koronavirusa. Budući da nije dobio odgovor, pita kada zenička bolnica može očekivati finansijsku pomoć za kupovinu neophodnih sredstava za rad, kako bi mogla osigurati svim građanima Zeničko-dobojskog kantona i Srednjo-bosanskog kantona neophodnu zdravstvenu zaštitu, kada je u pitanju suzbijanje pandemije.

**Ismet Osmanović** pridružio se pitanju koje je postavila Sanela Klarić a vezano za Ured za reviziju. Dva pitanja uputio je Federalnom ministarstvu pravde a vezano je za plaćanje u članstvo raznih komisija u tom ministarstvu. Pita ministra pravde – kada će prekinuti takvu praksu i kada će taj posao biti sastavni dio posla državnih službenika i zaposlenika u tom Ministarstvu. Pokreće inicijativu prema Federalnom ministarstvu pravde a vezano je za izmjene i dopune Zakona o izvršenju krivičnih sankcija, koje bi Ministarstvo trebalo pripremiti i uputiti u parlamentarnu proceduru, a kojim će se bijeg sa izdržavanja kazne tretirati kao krivično djelo.

**Nermin Muzur** pokrenuo je inicijativu da svaka sjednica počinje intoniranjem himne Bosne i Hercegovine.

Druga inicijativa vezana je za već pokrenutu inicijativu, a proizišla je iz odgovora kojeg je poslala Federalna uprava za inspeksijske poslove. Inicijativa je upućena prema Federalnom ministarstvu poljoprivrede, vodoprivrede i šumarstva, da po članu 203. Zakona o vodama

Federacije BiH formira vodočuvarsku službu u vodozaštitnoj zoni na području Općine Ilidža sa naglaskom na lokalitet korita rijeke Željeznice.

Pitnje je uputio Vladi FBiH i federalnoj ministrici turizma – da li je posjetila lokalitet Bjelašnice i Hotel Maršal? Prije više od godinu dana tražio je inicijativom da se napravi sastanak kako bi se otklonile sve prepreke da Hotel nesmetano radi u narednom periodu. Zamolio je da u sklopu svojih obilazaka posjeti Maršal i da izvjesti šta je vidjela.

Posljednje pitanje uputio je Ministarstvu sigurnosti – šta je Ministarstvo uradilo po pitanju migrantske krize, kada konkretno Kanton Sarajevo i lokalna zajednica Ilidža i Hadžići gdje je smješten veliki broj migranata koji su bez ikakvih mjera i kontrole u vrijeme pandemije. Interesuje ga, da li ima neki plan i ako nema da se u nekom narednom periodu planira način upravljanja, a posebno na ove dvije lokacije.

Nakon zastupničkih pitanja, predsjedavajući Zaimović nastavio je voditi sjednicu.

Prešlo se na izmjene i dopune dnevnog reda.

Damir Mašić, u ime Kluba predložio je da se u dnevni red sjednice uvrsti tačka - Prijedlog Zakona o izmjenama i dopunama Zakona o ublažavanju negativnih ekonomskih posljedica izazvanih pandemijom korona virusa. U raspravi o ovom pitanju učestvovali su: predsjedavajući Mirsad Zaimović, Damir Mašić i Nermin Muzur.

Ispred Kluba zastupnika SDP Damir Mašić zatražio je pauzu 15 minuta.

Nakon pauze, nastavljena je rasprava u kojoj su učestvovali: predsjedavajući Mirsad Zaimović, Damir Mašić, Albin Muslić, Husein Rošić i Miralem Galijašević.

Prijedlog Vlade Federacije BiH da se Prijedlog Zakona o Vijeću zaposlenika razmatra po hitnom postupku nije usvojen (10 glasova za, 40 glasova protiv i 13 uzdržanih glasova), te će se tretirati u redovnoj proceduri.

Prijedlog Vlade Federacije BiH da se Prijedlog Zakona o izmjenama i dopunama Zakona o radu razmatra po hitnom postupku nije usvojen (bez glasova za, 54 glasa protiv i osam uzdržanih glasova), te će se tretirati u redovnoj proceduri.

Prijedlog da se Prijedlog Zakona o konverziji kredita sa valutnom klauzulom u švicarskim francima u konvertibilne marke razmatra po hitnom postupku nije usvojen (35 glasova za, 20 glasova protiv i 16 uzdržanih glasova), te će se tretirati u redovnoj proceduri.

Predsjedavajući je pozvao zastupnike da se izjasne o dnevnom redu. Prije nego se počelo sa glasanjem, raspravljalo se o poslovničkoj proceduri, vezanoj za Prijedlog Zakona o konverziji kredita sa valutnom klauzulom u švicarskim francima, u kojoj su učestvovali: Mira Grgić, sekretar Ivan Miličević, Samer Rešidat, ministar Vesko Drljača, Irfan Čengić, Dževad Adžem, Damir Mašić, Hasan Muratović.

Data je pauza 10 minuta. Nakon pauze, nastavljena je rasprava u kojoj su učestvovali: Elzina Pirić, Jasmina Zubić, Azra Hadžić - Bećirspahić, predsjedavajući Zaimović, Husein Rošić, Dževad Adžem, Hasan Muratović i Irfan Čengić.

Sa 63 glasa za, jednim glasom protiv i uz pet uzdržanih glasova, usvojen je sljedeći:

## D N E V N I R E D

1. Informacija vezana za posljedice djelovanja epidemije korona virusa COVID-19 u privredi sa aspekta primjene Zakona o ublažavanju negativnih ekonomskih posljedica pojedinih grana privrede, stanja zaposlenih te stanja u zdravstvu u Federaciji BiH,
2. Prijedlog Zakona o izmjenama i dopunama Zakona o penzijskom i invalidskom osiguranju –skraćeni postupak predlagač: Azra Hadžić-Bećirspahić,
3. Prijedlog Zakona o sudskoj policiji u Federaciji BiH,
4. Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM) predlagač: Komisija za ispitivanje zakonitosti plasmana kredita u švicarskim francima
5. Nacrt Zakona o dopuni Zakona o Vijeću zaposlenika,

6. Nacrt Zakona o izmjenama i dopunama Zakona o radu,
7. Nacrt Zakona o izmjenama i dopunama Zakona o cestovnom prijevozu FBiH,
8. Prijedlog za izglasavanje nepovjerenja Vladi Federacije BiH,
9. Prijedlog Odluke o davanju saglasnosti na Finansijski plan Zavoda za transfuzijsku medicinu FBiH za 2020. godinu,
10. Prijedlog Odluke o pristupanju i izradi izmjena i dopuna Regulacionog plana sanacije, konzervacije, restauracije i revitalizacije Sarajevske čaršije,
11. Prijedlog Odluke o prihvatanju zaduženja po Ugovoru o finansiranju između BiH i Evropske investicione banke za realizaciju Projekta Koridor Vc - središnji dio,
12. Prijedlog Odluke o prihvatanju zaduženja po Sorazumu o zajmu između BiH i Međunarodne banke za obnovu i razvoj za realizaciju Projekta nekretnina – dodatno finansiranje
13. Informacija po inicijativi za nastavak rada i poslovanja pogona i postrojenja Global Ispat Koksna industrija Lukavac,
14. a) Izvještaj o poslovanju JP BH Pošte za 2017. godinu,  
b) Izvještaj o poslovanju JP BH Pošte za 2018. godinu,
15. a) Izvještaj o poslovanju JP Hrvatske pošte d.o.o. Mostar za 2017. godinu,  
b) Izvještaj o poslovanju JP Hrvatske pošte d.o.o. Mostar za 2018. godinu,
16. Izvještaj o poslovanju JP Elektroprivreda BiH d.d. Sarajevo za 2018. godinu,
17. Izvještaj o poslovanju JP Elektroprivreda HZHB d.d. Mostar za 2018 godinu,
18. a) Izvještaj o poslovanju JP Aerodrom Sarajevo d.o.o. Sarajevo za 2016. godinu,  
b) Izvještaj o poslovanju JP Aerodrom Sarajevo d.o.o. Sarajevo za 2017. godinu,  
c) Izvještaj o poslovanju JP Aerodrom Sarajevo d.o.o. Sarajevo za 2018. godinu,
19. a) Izvještaj o zaduženju FBiH po osnovu emisije obveznica na dan 05.12.2018. godine,  
b) Izvještaj o zaduženju FBiH po osnovu emisije obveznica na dan 24.09.2019. godine,  
c) Izvještaj o zaduženju FBiH po osnovu emisije obveznica na dan 28.05.2019. godine,  
d) Izvještaj o zaduženju FBiH po osnovu emisije obveznica (10Y),  
e) Izvještaj o zaduženju FBiH po osnovu emisije obveznica na dan 12.05.2020. godine,  
f) Izvještaj o zaduženju FBiH po osnovu emisije obveznica na dan 09.06.2020. godine,  
g) Izvještaj o zaduženju FBiH po osnovu emisije obveznica na dan 23.06.2020. godine,
20. Izvještaj Federalnog ministarstva finansija o realizaciji Zaključka V. broj 1276/2018. (instrukcija javnim preuzećima da izvrše uplatu sredstava i akumulirane dobiti u Budžet Federacije BiH),
21. a) Izvještaj o zaduženju Federacije BiH po osnovu emisije trezorskih zapisa na dan 11.12.2018. godine,  
b) Izvještaj o zaduženju Federacije BiH po osnovu emisije trezorskih zapisa (6M) na dan 19.05.2020. godine,
22. Izbori imenovanja.

**1. Informacija vezana za posljedice djelovanja epidemije korona virusa COVID-19 u privredi sa aspekta primjene Zakona o ublažavanju negativnih ekonomskih posljedica pojedinih grana privrede, stanja zaposlenih te stanja u zdravstvu u Federaciji BiH,**

Zastupnicima su se bratili: predstavnik Vlade FBiH Mirsada Hukić, ministar Amir Zukić, Omer Korjenić, ispred Zavoda za zapošljavanje.

Ispred Komisije za lokalnu samoupravu obrazlagao je Irfan Čengić.

Zastupnicima se obratila i ministrica Jelka Milićević.

U raspravi su učestvovali: Nermin Muzur, Suad Kaknjo, Husein Rošić, Sabina Ćudić, Damir Mašić, Amela Kuskunović, Mara Đukić i Tašo Dacić.

Data je pauza 45 minuta.

Nako pauze nastavljena je diskusija u kojoj su učestvovali: Miralm Galijašević, Dževad Adžem, Eldin Vračić, Goran Akšamija, Albin Muslić, Jasmina Zubić, Ibrahim Zukić, Azra Hadžić-Bećirspahić, Nijaz Helez, ispred Vlade FBiH Snježana Bodnaruk, te Goran Čerkez.

Predsjedavajući je kazao da se pređe na sljedeću tačku dnevnog reda, dok se ne predlože i usaglase zakljuci po ovoj tački dnevnog reda.

## **2. Prijedlog Zakona o izmjenama i dopunama Zakona o penzijskom i invalidskom osiguranju – skraćeni postupak predlagač: Azra Hadžić-Bećirspahić**

Prijedlog Zakona u utvrdila je zastupnica Azra Hadžić-Bećirspahić.

Prijedlog Zakona razmatrala su nadležna radana tijela i dostavila izvještaj.

Zastupnica Hadžić-Bećirspahić dala je dodatno obrazloženje.

Ispred Zakonodavno-pravne komisije obrazlagao je Albin Muslić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a pojedinačnim izjašnjavanjem nije usvojeno (40 glasova za, sedam glasova protiv i 28 uzdržanih glasova), te će se razmatrati kao nacrt.

Otvorena je rasprava u kojoj su učestvovali: Irfan Čengić, Jasmina Zubić, Mustafa Hrvić, Dževad Adžem, Husein Rošić, Zijat Mušić i Azra Hadžić-Bećirspahić.

Sa 58 glasova za, bez glasova protiv i uz tri uzdržana glasa, usvojen je sljedeći:

### **ZAKLJUČAK**

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o penzijskom i invalidskom osiguranju i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznesene u raspravi, kao i one koje se dostavljene ili će biti dostavljene u pisanom obliku, te se zadužuje da prijedlog Zakona dostavi u roku od 10 dana Parlamentu kako bi ga mogli što prije razmatrati.

## **3. Prijedlog Zakona o sudskoj policiji u Federaciji BiH**

Prijedlog Zakona utvrdila je Vlada FBiH.

Prijedlog Zakona razmatrala su nadležna radana tijela i dostavila izvještaj.

Ispred Vlade FBiH dodatno obrazloženje dao je Sanin Pačarić.

U raspravi niko nije učestvovao.

Sa 64 glasa za usvojen je Prijedlog Zakona o sudskoj policiji u Federaciji BiH.

Što se tiče tačke **4. - Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM)**, predsjedavajući je kazao da će

se ova tačka tretirati kada se prikupe svi akti vezani za ovaj Zakon, kako bi se usaglasio način tretiranja istog.

#### **5. Nacrt Zakona o dopuni Zakona o Vijeću zaposlenika,**

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Vesko Drljača.

U raspravi je učestvovala Mira Grgić.

Sa 60 glasova za, dva glasa protiv i uz dva uzdržana glasa, usvojen je sljedeći:

#### **ZAKLJUČAK**

Predstavnički dom Parlamenta Federacije BiH prihvata Nacrt Zakona o Vijeću zaposlenika i smatra da može poslužiti kao osnova za izradu prijedloga Zakona.

Zadužuje se predlagač da organizira javnu raspravu od 60 dana.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznesene u raspravi, kao i one koje se dostavljene ili će biti dostavljene u pisanom obliku.

#### **6. Nacrt Zakona o izmjenama i dopunama Zakona o radu**

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Vesko Drljača.

U raspravi su učestvovali: Damir Mašić, Samer Rešidat, Miomirka Melank, Irfan Čengić, Albin Muslić, Mira Grgić i Mara Đukić.

Sa 45 glasova za, devet glasova protiv i uz devet uzdržanih usvojen je sljedeći:

#### **ZAKLJUČAK**

Predstavnički dom Parlamenta Federacije BiH prihvata Nacrt Zakona o radu i smatra da može poslužiti kao osnova za izradu prijedloga Zakona.

Zadužuje se predlagač da organizira javnu raspravu od 60 dana.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznesene u raspravi, kao i one koje se dostavljene ili će biti dostavljene u pisanom obliku.

#### **7. Nacrt Zakona o izmjenama i dopunama Zakona o cestovnom prijevozu FBiH**

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Predstavnik Vlade FBiH dao je dodatno obrazloženje.

Ispred Odbora za promet i komunikacije zastupnik Tahirović dao je dodatno obrazloženje.

U raspravi je učestvovala Nasiha Pozder.



Sa 64 glasa za, bez glasova protiv i uz jedan uzdržani glas usvojen je sljedeći:

## ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o cestovnom prijevozu FBiH i smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznesene u raspravi, kao i one koje se dostavljene ili će biti dostavljene u pisanom obliku.

### **8. Prijedlog za izglasavanje nepovjerenja Vladi Federacije BiH**

Prijedlog za izglasavanje nepovjerenja Vladi pokrenula je grupa zastupnika dana 01.06.2020.

Otvorena je rasprava u kojoj su učestvovali: Miomiraka Melank, Mirsad Čamdžić, Sanela Prašović-Gadžo, Amer Obradović, Mira Grgić, Sabina Ćudić, Damir Mašić, Adnan Efendić, Nedžad Šečić, Irfan Čengić, Dževad Adžem, Ivan Boban, Asim Kamber, Jasmina Zubić, Husein Rošić, Elzina Pirić, Nijaz Helez i Tahir Nuhić.

Na osnovu pojedinačnog izjašnjavanja, nije usvojen Prijedlog za izglasavanje nepovjerenja Vladi FBiH ( 33 glasa za, 39 glasova protiv i šest uzdržanih glasova).

### **9. Prijedlog Odluke o davanju saglasnosti na Finansijski plan Zavoda za transfuzijsku medicinu FBiH za 2020. godinu**

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

U raspravi su učestvovali Jasmina Zubić i Mara Đukić i ispred Zavoda Jasmina Kurlić.

Sa 60 glasova za, jednim glasom protiv i uz jedan uzdržani glas, Predstavnički dom donio je Odluku o davanju saglasnosti na Finansijski plan Zavoda za transfuzijsku medicinu FBiH za 2020. godinu.

Jasmina Zubić predložila je zaključak. Sa 51 glasom za, bez glasova protiv i uz 11 uzdržanih glasova usvojen je sljedeći:

## ZAKLJUČAK

Predstavnički dom Parlamenta FBiH sugeriše Vladi FBiH da prilikom izrade Rebalansa Budžeta FBiH za 2020. godinu pokuša iznaći sredstva u iznosu od 375 000 KM koja bi se usjmerila Zavodu za transfuzijsku medicinu za nabavku opreme.

### **10. Prijedlog Odluke o pristupanju i izradi izmjena i dopuna Regulacionog plana sanacije, konzervacije, restauracije i revitalizacije Sarajevske čaršije**

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Odbora za prostorno uređenje, stambeno-komunalnu politiku, ekologiju i turizam obrazlagala je Nasiha Pozder.

Ispred Komisije za lokalnu samoupravu obrazlagao je Irfan Čengić.

U raspravi su učestvovali: Nasiha Pozder, Irfan Čengić i Sanela Klarić.

Sa 63 glasa za bez glasova protiv i uz jedan uzdržani glas Predstavnički dom donio je Odluku o pristupanju i izradi izmjena i dopuna Regulacionog plana sanacije, konzervacije, restauracije i revitalizacije Sarajevske čaršije.

**11. Prijedlog Odluke o prihvatanju zaduženja po Ugovoru o finansiranju između BiH i Evropske investicione banke za realizaciju Projekta Koridor Vc - središnji dio,**

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Odbora za promet i komunikacije obrazlagao je Tahir Nuhić.

Ispred Odbora za ekonomsku i finansijsku politiku obrazlagao je Husein Rošić.

Sa 67 glasova za, bez glasova protiv i bez uzdržanih glasova, Predstavnički dom donio je Odluku o prihvatanju zaduženja po Ugovoru o finansiranju između BiH i Evropske investicione banke za realizaciju Projekta Koridor Vc - središnji dio.

**12. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj za realizaciju Projekta nekretnina –dodatno finansiranje**

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Odbora za ekonomsku i finansijsku politiku obrazlagao je Husein Rošić.

Ispred Odbora za prostorno uređenje, stambeno-komunalnu politiku, ekologiju i turizam obrazlagala je Nasiha Pozder.

U raspravi niko nije učestvovao.

Sa 65 glasova za, bez glasova protiv i bez uzdržanih glasova, Predstavnički dom donio je Odluku o prihvatanju zaduženja po Sporazumu o zajmu između BiH i Međunarodne banke za obnovu i razvoj za realizaciju Projekta nekretnina- dodatno finansiranje.

**13. Informacija po inicijativi za nastavak rada i poslovanja pogona i postrojenja Global Ispat Koksna industrija Lukavac,**

Vlada FBiH dostavila je Informaciju.

U raspravi su učestvovali: Samira Begić, Nasiha Pozder, Luka Faletar, Sanela Prašović-Gadžo, Delfa Dejanović, Adnan Efendić i Mladen Bošković. Na kraju rasprave dogovoreno je da se ova tačka dnevnog reda ne zatvara, te da će se nastaviti na nastavku sjednice.

Prešlo se na rad po tački 1. dnevnog reda - **Informacija vezana za posljedice djelovanja epidemije korona virusa COVID-19 u privredi sa aspekta primjene Zakona o ublažavanju negativnih ekonomskih posljedica pojedinih grana privrede, stanja zaposlenih te stanja u zdravstvu u Federaciji BiH**

Predsjedavajući je pročitao zaključke u vezi ove tačke dnevnog reda i pozvao zastupnike da se izjasne. Sa 58 glasova za, bez glasova protiv i uz dva uzdržana glasa usvojeni su sljedeći:

**ZAKLJUČCI**

1. Pozivamo Vladu FBiH, odnosno resorno ministarstvo da hitno pristupi izradi novog Zakona o zaštiti stanovništva od zaraznih bolesti a u cilju planiranja i izgradnje Izolatorija po uzusima EU sa potrebnom biohazard opremom;

2. Predstavnički dom Parlamenta Federacije BiH zadužuje Vladu FBiH da pripremi novi set mjera za privredu u Federaciji BiH;
3. Predstavnički dom poziva da se svim građanima Federacije BiH omogući zdravstveno osiguranje dok traje stanje pandemije;
4. Predstavnički dom Parlamenta Federacije BiH traži pojačan inspekcijski nadzor svih uprava inspekcija od entitetskog, kantonalnog, gradskog i općinskog nivoa kao i kantonalnih uprava policije u cilju kontrole i provođenja mjera te poduzimanja mjera protiv onih počinitelja koji krše naređene mjere u uvjetima pandemije COVID 19 uz mogućnost povećanja broja inspekcija i inspektora odnosno policije na terenu;
5. U cilju spriječavanja širanja pandemije COVID 19, Predstavnički dom Parlamenta Federacije BiH nalaže nadležnim institucijama da snažnije provode preporuke o preventivnim mjerama s ciljem edukacije građana;
6. Predstavnički dom preporučuje skupštinama kantona da redovno održavaju sjednice na temu COVID 19 kao i epidemiološke situacije na kantonima sa mjerama, evaluacijom poduzetih mjera od strane nadležnih kantonalnih štabova i zdravstvenih ustanova što uključuje i praćenje ishoda liječenja te provjeru raspoloživosti zdravstvenih kapaciteta;
7. Predstavnički dom Parlamenta FBiH zadužuje Agenciju za bankarstvo Federacije BiH da do 31.12.2020. godine produži rokove primjene privremenih mjera koje banka, lizing društva i mikrokreditne organizacije primjenjuju za ublažavanje nepovoljnih ekonomskih posljedica uzrokovane virusom COVID-19;
8. Jedinice lokalne samouprave se pozivaju da u roku od 30 dana od dana usvajanja ovog zaključka dostave detaljan Izvještaj o utrošku namjenskih sredstava po članu 12. Zakona o ublažavanju negativnih ekonomskih posljedica („Službene novine FBiH „ broj 28/20 od 07.05.2020. godine).
9. Jedinice lokalne samouprave se pozivaju da u roku od 30 dana od dana usvajanja ovog zaključka dostave detaljan Izvještaj o utrošku namjenskih sredstava sa računa civilne zaštite u periodu od 16.03. do 30.05.
10. Jedinice lokalne samouprave se pozivaju da u roku od 30 dana od dana usvajanja ovog zaključka dostave detaljan izvještaj o javnim nabavkama sa posebnom pažnjom na pregovaračke postupke bez objave u periodu od 16.03. do 30.05.

**14.a) Izvještaj o poslovanju JP BH Pošte za 2017. godinu,  
b) Izvještaj o poslovanju JP BH Pošte za 2018. godinu**

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Sa 53 glasa za, 12 glasova protiv i uz jedan uzdržani glas, usvojen je Izvještaj o poslovanju JP BH Pošte za 2017. godinu.

Sa 53 glasa za, 12 glasova protiv i bez uzdržanih glasova, usvojen je Izvještaj o poslovanju JP BH Pošte za 2018. godinu.

**16. a)Izvještaj o poslovanju JP Hrvatske pošte d.o.o. Mostar za 2017. godinu,  
b) Izvještaj o poslovanju JP Hrvatske pošte d.o.o. Mostar za 2018. godinu,**

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Na osnovu glasanja i dodatne prozivke predsjedavajućeg, sa 57 glasova za, 16 glasova protiv i uz 18 uzdržanih glasova usvojen je Izvještaj o poslovanju JP Hrvatske pošte d.o.o. Mostar za 2017. godinu.

Sa Sa 51 glasom za, 11 glasova protiv i bez uzdržanih glasova, usvojen je Izvještaj o poslovanju JP Hrvatske pošte d.o.o. Mostar za 2018. godinu.

Predsjedavajući je prekinuo rad sjednice u 00,07.

\* \* \*

### **NASTAVAK 13. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 15.09.2020. godine**

Online sjednica je počela u 10.36

Sjednicom je predsjedavao predsjedavajući Predstavničkog doma Parlamenta Federacije BiH Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prije početka rada predsjedavajući je pozvao zastupnike da svako na svoj način odaju počast nedavno preminulom ministru Salki Bukvareviću.

Predsjedavajući je kazao je je dogovorio sa predlagračem da se Prijedlog Zakona o konverziji kredita sa valutnom klauzulom u švicarskim francima (CHF) u konvertibilne marke (KM) povuče sa dnevnog reda i da će se naći na sljedećoj sjednici na dnevnom redu.

Inicijativa Sanele Klarić (kojom traži sa Zajednička komisija odgovorna za reviziju traži od Ureda za reviziju izvršenje specijalnih revizija o načinu upravljanja Univerziteta u Sarajevu, SKB Mostar, Univerzitetsko kliničkog centra Tuzla, KB Zenica i KB dr Irfan Ljubijankić Bihać od proglašenja stanja nesreće uzrokovane pandemijom korona virusa u BiH) nije usvojena.

Klub nezavisnih zastupnika pokrenuo je inicijativu vezanu za ukidanje transfera neprofitnim organizacijama a koja nije usvojena.

Samira Begić i Salko Zildžić pokrenuli su inicijativu vezanu za proglašenjem dana žalosti 25. maja, koja nakon dodatne prozivke predsjedavajućeg nije usvojena.

#### Zastupnička pitanja

**Damir Mašić** postavio je pitanje vezano za posljedice vezane za pandemiju koronavirusa ,te se ostvruo na to da nema odgovora Vlade FBiH vezane za to, te pita šta se planira po pitanju rokova iz Zakona, budući da je prvi Korona zakon prestao važiti.

**Mira Grgić** pitanje je uputila Zavodu zdravstvenog osiguranja Kantona Srednja Bosna i Općoj bolnici „Prim.dr. Abdulah Nakaš“, a budući da je veliki broj doktora prešao sa Kliničkog centra u Opću bolnicu, te su se mnogi pacijenti iz SBK našli u situaciji da ih ne mogu liječiti doktori koji su ih ranije liječili i ne mogu dobiti odobrenje za liječenje van kantona, koje se odnosi na Opću bonicu, pa pita- zašto ne naprave ugovor da bi se pacijenti mogli liječiti kod ljekara kod kojih su se ranije liječili?

**Azra Hadžić-Bećirsaphić** pitanje je uputila Vladi FBiH i premijeru a vezano za Korona zakon – traži da joj se dostavi koliko sredstava je uplaćeno ili doznačeno Vladi Unsko-sanskog kantona za isplatu minimalnih plata radnika?

**Amer Obradović** pitanje je uputio Federalnom ministarstvu kulture i sporta, a vezano za kriterije dodjele sredstava za održavanje nekih hercegovačkih festivala.

**Adisa Kokić Hinović** – prvo pitanje uputila je Federalnom ministarstvu obrazovanja a tiče se dualnog obrazovanja – koji radni ststus imaju učenici koji praktičnu nastavu obavljaju

van škole, tj. kod privrednih subjekata, ko je odgovoran da osigura zaštitu na radu, te da li učenici imaju pravo na naknadu za rad i prijevoz?

Drugo pitanje vezano je za implementaciju presude Evropskog suda za ljudska prava u slučaju Ališić i drugi, da li se radi na implementaciji presude.

**Adis Arapović** izrazio je djelimično zadovoljstvom vezi odgovora na prethodno postavljena pitanja. Međutim, na dva pitanja nije dobio odgovore. Postavio je pitanje rukovodstvu Doma u vezi popunjavanja parlamentarnih komisija. Drugo pitanje postavio je Federalnom ministarstvu pravde i traži odgovor. Pitanja postavlja Ministarstvu unutrašnjih poslova Kantona Sarajevo, te traži informaciju o - broju počinjenih krivičnih djela uništavanja paljevine tuđeg motornog vozila, a shodno Poglavlju 25. Krivičnog zakona FBiH na području Kantona Sarajevo i to za 2017., 2018., i 2019. godinu i prvih šest mjeseci 2020. godine, o broju i procentu rasvjetljenih krivičnih djela uništavanja i paljevine tuđeg motornog vozila od strane službenih organa, broju privedenih i procesuiranih počinitelja navedenog krivičnog djela u istom periodu i dostavljanje izvještaja o stanju javne sigurnosti u Kantonu Sarajevo po mogućnosti iz 2020. godine.

**Jasmina Zubić** pokrenula je inicijativu koju upućuje Vijeću ministara BiH i Ministarstvu prometa i komunikacija BiH a vezano za donošenje instrukcije o primjeni pravilnika u postupku i načinu registracije oldtimer vozila.

Dala je komentare na pitanja koja je postavila na prošloj sjednici. Na pitanje – kada će se na sjednici naći Prijedlog Zakona o stečaju nije dobila odgovor. Komentirala je i pitanje upućeno Upravnom odboru i Federalnom ministarstvu za rad i socijalnu politiku a vezano za Pravilnik o kriterijima i postupku medicinskog vještačenja zdravstvenog stanja. Dala je komentar i na odgovor koji je dobila od Federalnog ministarstva za pitanja boraca a vezan za sredstva za poboljšanje statusa RVI paraplegičara.

**Samer Rešidat** pitanje je postavio Federalnom ministarstvu okoliša i turizma - koliko je novaca izdvojeno i koji koraci su poduzeti od strane Vlade za pomoć turizmu, odnosno turističkoj djelatnosti u Federaciji BiH?

**Dževad Adžem** pokrenuo je inicijativu kojom traži da Predstavnički dom obaveže Vladu FBiH da hitno a najdalje do kraja godine u Predstavnički dom uputi zakon vezan za pokretanje poslovnih aktivnosti na jednom mjestu, takozvani One-stop-shop.

**Ivica Pavković** pitanje je uputio Finansijsko-informatičkoj agenciji Federacije - traži usporedne podatke o svim naknadama za usluge koje su vrijedile prije i sada nakon izmjene i dopune Odluke o naknadama za usluge Finansijsko-informatičke agencije, te traži odgovor koji je razlog zbog kojih su se izvršile promjene naknada za navedene usluge.

## **16. Izvještaj o poslovanju JP Elektroprivreda BiH d.d. Sarajevo za 2018. godinu,**

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Na osnovu glasanja i dodatne prozivke predsjedavajućeg, nije usvojen Izvještaj o poslovanju JP Elektroprivreda BiH d.d. Sarajevo za 2018.godinu (41 za, 16 protiv i 10 uzdržanih glasova).

## **17. Izvještaj o radu i poslovanju JP Elektroprivreda HZHB d.d. Mostar za 2018. godinu**

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Na osnovu pojedinačnog izjašnjavanja, nije usvojen Izvještaj o radu i poslovanju JP Elektroprivreda HZHB d.d. Mostar za 2018. godinu (41 za, 16 protiv i 12 uzdržanih).

- 18. a) Izvještaj o poslovanju JP Aerodrom Sarajevo d.o.o. Sarajevo za 2016. godinu,**
- b) Izvještaj o poslovanju JP Aerodrom Sarajevo d.o.o. Sarajevo za 2017. godinu,**
- c) Izvještaj o poslovanju JP Aerodrom Sarajevo d.o.o. Sarajevo za 2016. godinu**

Izvještaje je dostavila Vlada FBiH.

Izvještaje su razmatrala nadležna radna tijela i dostavila izvještaje.

U raspravi su učestvovali: Irfan Čengić, Nermin Muzur i Elzina Pirić.

Na osnovu glasanja zastupnika i dodatne prozivke predsjedavajućeg, sa 52 glasa za, 16 glasova protiv i uz 12 uzdržanih glasova usvojen je Izvještaj o poslovanju JP Aerodrom Sarajevo d.o.o. Sarajevo za 2016. godinu.

Na osnovu glasanja zastupnika i dodatne prozivke predsjedavajućeg, sa 55 glasova za, 16 glasova protiv i uz devet uzdržanih glasova usvojen je Izvještaj o poslovanju JP Aerodrom Sarajevo d.o.o. Sarajevo za 2017. godinu.

Data je pauza od 20 minuta zbog tehničkih problema.

Nakon pauze, nastavljeno je glasanje.

Na osnovu glasanja zastupnika i dodatne prozivke predsjedavajućeg, sa 51 glasom za, 15 glasova protiv i uz sedam uzdržanih glasova, usvojen je Izvještaj o poslovanju JP Aerodrom Sarajevo d.o.o. Sarajevo za 2018. godinu.

Irfan Čengić predložio je zaključke u vezi ove tačke dnevnog reda a koji na osnovu glasanja i dodatne prozivke predsjedavajućeg nisu usvojeni (38 za, jedan protiv i 29 uzdržanih glasova).

Također, u vezi tačke dnevnog reda – Izvještaj o poslovanju JP Elektroprivreda BiH d.d. Sarajevo za 2018. godinu, Irfan Čengić predložio je zaključke a koji nisu usvojeni (34 za, tri protivi 38 uzdržanih glasova).

- 19. a) Izvještaj o zaduženju FBiH po osnovu emisije obveznica na dan 05.12.2018.godine,**
- b) Izvještaj o zaduženju FBiH po osnovu emisije obveznica na dan 24.09.2019. godine,**
- c) Izvještaj o zaduženju FBiH po osnovu emisije obveznica na dan 28.05.2019. godine,**
- d) Izvještaj o zaduženju FBiH po osnovu emisije obveznica (10Y),**
- e) Izvještaj o zaduženju FBiH po osnovu emisije obveznica na dan 12.05.2020. godine,**
- f) Izvještaj o zaduženju FBiH po osnovu emisije obveznica na dan 09.06.2020.godine,**
- g) Izvještaj o zaduženju FBiH po osnovu emisije obveznica na dan 23.06.2020. godine**

Izvještaje je dostavila Vlada FBiH.

Izvještaje su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Izvještaj o zaduženju FBiH po osnovu emisije obveznica na dan 05.12.2018.godine, Izvještaj o zaduženju FBiH po osnovu emisije obveznica na dan 24.09.2019. godine, Izvještaj o zaduženju FBiH po osnovu emisije obveznica na dan 28.05.2019.godine, Izvještaj o zaduženju FBiH po osnovu emisije obveznica (10Y), Izvještaj o zaduženju FBiH po osnovu emisije obveznica na dan 12.05.2020.godine, Izvještaj o zaduženju FBiH po osnovu emisije obveznica na dan 09.06.2020.godine, Izvještaj o zaduženju FBiH po osnovu emisije obveznica na dan 23.06.2020. godine.

**20. Izvještaj Federalnog ministarstva finansija o realizaciji Zaključka V. broj 1276/2018. (instrukcija javnim preuzećima da izvrše uplatu sredstava iz akumulirane dobiti u Budžeta Federacije BiH),**

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Izvještaj Federalnog ministarstva finansija o realizaciji Zaključka V. broj 1276/2018. (instrukcija javnim preuzećima da izvrše uplatu sredstava iz akumulirane dobiti u Budžeta Federacije BiH).

**21. a) Izvještaj o zaduženju Federacije BiH po osnovu emisije trezorskih zapisa na dan 11.12.2018. godine,**

**b) Izvještaj o zaduženju Federacije BiH po osnovu emisije trezorskih zapisa (6M) na dan 19.05.2020. godine,**

Izvještaje je dostavila Vlada FBiH.

Izvještaje su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Izvještaj o zaduženju Federacije BiH po osnovu emisije trezorskih zapisa na dan 11.12.2018. godine, i Izvještaj o zaduženju Federacije BiH po osnovu emisije trezorskih zapisa (6M) na dan 19.05.2020. godine.

**Predsjedavajući je kazao da je ostalo još izjašnjenje o zaključcima po tački - 13. Informacija po inicijativi za nastavak rada i poslovanja pogona i postrojenja Global Ispat Koksna industrija Lukavac.**

Samira Begić i Nasiha Pozder predložile su zaključak (Predstavnički dom Parlamenta Federacije BiH traži od Federalnog ministarstva okoliša i turizma da među prioritete u Programu svog rada uvrsti razmatranje zahtjeva za izdavanje integralne okolinske dozvole od Global Ispat Koksna industijra Lukavac d.o.o.) koji na osnovu glasanja i dodatne prozivke predsjedavajućeg nije usvojen (49 za, četiri protiv i 24 uzdržana glasa).

**22. Izbori i imenovanja – nije bilo materijala za razmatranje.**

Predsjedavajući je zaključio rad 13. redovne sjednice u 13.04.

Transkript i prijepis transkripta sjednice čine sastavni dio Zapisnika.

SEKRETAR  
PREDSTAVNIČKOG DOMA  
PARLAMENTA FEDERACIJE BIH

Ivan Miličević

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Mirsad Zaimović